

Poi fo leto, per Alvisè Sabadin, la parte presa in Pregadi, a dì 22, zereha il far di rectori a Verona, la qual lo feci prender cussi come ho scritto di sopra, e la copia sarà posta qui avanti. Avè 3 non sinceri, 72 di no, 1524 di sì, et fo presa. *Tamen*, le balote di sì non fo contate.

Poi fo stridato di far le voxe per Gasparo di la Vedova segretario, *videlicet* la pruova dil Canzeliero grande di Venexia in luogo di missier Francesco Faxuol dottor, a chi Dio perdoni; et Podestà, in nome di la divina Trinità a Verona, con la condition di la parte presa e dil Zudeze dil maleficio, quel domino Antonio Maria dottor da Sonzin, justa la parte presa nel Consejo di X; et Capitano a Verona justa la parte presa prima; al luogo di Procuratori sora i atti di Soragastaldi; Camerlengo in Cao d'Istria, et un Provedador sora le legne.

Et poi chiamati li Avogadori, Cai di X, Auditori vecchi e nuovi, e tutti sentati ai loro lochi, fo, per Zuan Batista di Vielmi segretario, letto quell' hanno a esser balotadi Canzeliero di Venexia, *videlicet* cussi per ordine:

292* *Nominati per il Serenissimo Principe et signori Consieri, Canzelieri di Venexia, in luogo di spectatissimo domino Francesco Faxuol a chi Dio perdoni.*

Gasparo di la Vedova segretario, qual zà anni 46 ha servito la Illustrissima Signoria in tutte cose importantissime, sì in questa terra come in Italia e fuora de Italia; è stato con Provedadori generali in exercito et Capitani generali in armada, e zà anni 24 segretario di lo Illustrissimo Consilio di X.

Nicolò Aurelio, segretario di lo illustrissimo Consejo di X, fo fiol di Marco segretario di dito Consejo, poi si fe' azonser *etiam* questo titolo, quale è stà in 14 legation con diversi clarissimi Oratori, è anni 38 serve questo Illustrissimo Stato con integrità e fede.

Zuan Piero Stella segretario, fo fiol di Domenego segretario di lo illustrissimo Consejo di X, poi si azonse questo altro titolo, qual è stà in 12 legation con Oratori, e solo in 9, e ultimamente a' sguizari, dove è stà mexi 30 in prexon con pericolo di la vita e ruina di là facultà sua.

Alexandro Capella segretario, fo fiol di missier Phebus canzeliero di Venexia.

Alberto Tealdini segretario di lo illustrissimo Consejo di X, fu di Davit segretario di questa eccellentissima Repubblica.

Zuan Battista di Adriani segretario di lo illustrissimo Consejo di X, fo fiol di Alvixè, poi si fe' azonser, qual zà 21 anno ha servito e serve con quella diligentia e fede come a tutti è manifesto, e per tal causa à patido grandissima infermità.

Et poi fo numerato il Consejo, mandati fuora loro e li soi parenti, et fono date balote 1902, et butade le tessere, fo balotata in questo modo, zoè:

† Zuan Piero Stela	1303. 531
Alexandro Capella	596.1304
Zuan Batista di Adriani	866.1001
Alberto Tealdini	812.1097
Nicolò Aurelio	679.1239
Gasparo di la Vedova	965. 939

Et fo stridato rimase Zuan Piero Stella. Fo chiamà a la Signoria, al qual fo dato per un Avogador un becho di veludo cremexin, et vene et ringratiò la Signoria e il Consejo, poi andò zoso. Sta a san Lorenzo in caxa steva sier Francesco Nani qu. sier Giacomo.

Poi fo chiamà li banchi a capelli, et fornito le electione, l' orator di Ferara andò zoso, et il Consejo di Pregadi si reduseno per far li scurtinij di Verona; ma tanti fo tolti in un e altro, che avanti fusse compito il secondo scurtinio, che manchavano d'ò soli a 293 balotar, et era passà le 24 hore, sier Andrea Badoer el cavalier e sier Domenego Capello cai dil Consejo di X andono a la Signoria per mio aricordo, e fe' licentiar il Consejo e non balotar più il resto. Sichè fo licentià il scurtinio e aperte le porte, che mai più fu fato questo; sichè si ha visto quanti degni patrieij voleno andar a Verona, *licet* non habino li ducati 50 al mexe; sichè tutti quelli si feva tuor si fanno excepto sier Pollo Capello el cavalier che si ha messo debitor ni *etiam* fo nominato. Aduncha per il mio parlar in Pregadi ho miorato la Signoria nostra di ducati. . . . a l'anno in salario di tutti rectori, et il scurtinio sarà qui posto *licet* non habi auto algun vigor.

Electo Podestà a Verona.

Sier Andrea Magno fo consier, qu.	
sier Stefano	91. 93
Sier Zuan Antonio Dandolo, fo di Pregadi, qu. sier Francesco	24.164
Sier Lunardo Emo, fo luogotenente in la Patria, qu. sier Zuan el cavalier	58.132